

Bosna i Hercegovina
Federacija Bosne i Hercegovine
KANTON SARAJEVO
Ekonomsko-socijalno vijeće za
područje Kantona Sarajevo

Broj: 01-56-47/16
Sarajevo, 19.09.2016. godine

Z A P I S N I K

sa 56. sjednice Ekonomsko-socijalnog vijeća za područje Kantona Sarajevo održane
06.09.2016. godine u zgradi Kantona Sarajevo, ul. R. Dž. Čauševića broj 1.
sa početkom u 14,00 sati

Sjednici su prisustvovali:

- **Ispred Vlade Kantona Sarajevo:**
Amela Dautbegović, predsjednik Vijeća,
Jasmin Halebić, član
Muharem Šabić, član
Mario Nenadić, član
Lejla Mujkić, zamjenica člana
- **Ispred KO Saveza sindikata Sarajevo:**
Faruk Bešlić, član
Adnan Himzanija, član
Saudin Sivro, član
Mirza Hadžiabdić, zamjenik člana
Himzo Devedžija, zamjenik člana
- **Ispred Udruženja poslodavaca Kantona Sarajevo:**
Safudin Čengiđ, potpredsjednik Vijeća,
Muhamed Pilav, član
Nijaz Skenderagić, zamjenik člana

Odsutni: Elmedin Konaković član Vijeća ispred Vlade Kantona Sarajevo, Nedim Ćehajić i Enver Malagić, članovi Vijeća ispred Udruženja poslodavaca Kantona Sarajevo i Franjo Rener, potpredsjednik Vijeća i Ramiz Čustović član Vijeća ispred Kantonalnog odbora Saveza samostalnih sindikata sarajevskog kantona (opravdano odsustvo).

Ispred Press službe Kantona Sarajevo sjednici je prisustvovala Lamija Bojadžić.

Sjednici su prisustvovali i predstavnici Ministarstva za rad, socijalnu politiku, raseljena lica i izbjeglice Kantona Sarajevo:

- Slavica Gorančić, dipl. pravnik – državni službenik za obavljanje stručnih poslova za potrebe Ekonomsko-socijalnog vijeća za područje Kantona Sarajevo
- Dženana Zgodić, sekretar Ekonomsko-socijalnog vijeća za područje Kantona Sarajevo

- Ispred izvjestioca po materijalima, sjednici Vijeća su prisustvovali:
- Dragan Vujmilović, sekretar Ministarstva kulture i sporta Kantona Sarajevo,
 - Samir Sofo, sekretar Ministarstva privrede Kantona Sarajevo.

Sjednicom je predsjedavala Amela Dautbegović, predsjednik Vijeća, koja je konstatovala da sjednici prisustvuje potrebna većina za rad i odlučivanje.

Na prijedlog predsjednika jednoglasno je utvrđen slijedeći:

DNEVNI RED

1. Usvajanje zapisnika sa 55. sjednice Ekonomsko-socijalnog vijeća za područje Kantona Sarajevo;
2. Nacrt Zakona o Kantonalnoj agenciji za investicije i privatizaciju;
3. Prednacrt Zakona o prostornom uređenju Kantona Sarajevo;
4. Nacrt Zakona o arhivskoj djelatnosti;
5. Tekuća pitanja.

AD-1)

Zapisnik sa 55. sjednice Ekonomsko-socijalnog vijeća za područje Kantona Sarajevo usvojen je jednoglasno, uz primjedbu da se u tački AD-2, u tekstu Zaključka, iza riječi "Udruženje poslodavaca Kantona Sarajevo", dodaju riječi "i isti se dostavlja na pojednično izjašnjenje potpisnicama Sporazuma".

AD-2)

Uvodno izlaganje vezano za tekst Nacrta Zakona o Kantonalnoj agenciji za investicije i privatizaciju dao je Samir Sofo, sekretar Ministarstva privrede Kantona Sarajevo.

U diskusiji su učestvovali članovi Vijeća: Safudin Čengić, Mario Nenadić i Amela Dautbegović, nakon čega je Vijeće jednoglasno donijelo

ZAKLJUČAK

1. Ekonomsko-socijalno vijeće za područje Kantona Sarajevo podržava aktivnosti Vlade Kantona Sarajevo i Ministarstva privrede Kantona Sarajevo na donošenju Zakona o Kantonalnoj agenciji za investicije i privatizaciju.
2. Vijeće smatra da je neophodno Zakonom precizno propisati ingerencije Kantonalne agencije za investicije i privatizaciju, potrebna sredstva za rad Agencije, broj uposlenih i druga pitanja značajna za rad Agencije.
Također je potrebno dovesti u vezu odredbe ovog zakona sa pisanim stavom Ureda za zakonodavstvo Vlade Kantona Sarajevo, Pravobranilaštva Kantona Sarajevo, Zaključkom Vlade Kantona Sarajevo i odgovarajućim propisima.

AD-3)

Predstavnica Ministarstva prostornog uređenja, građenja i zaštite okoliša Kantona Sarajevo, Milena Kadrić je informisala Vijeće da su konsultacije za Prednacrt Zakona o prostornom uređenju Kantona Sarajevo završene, te da je sačinjen tekst Nacrta predmetnog zakona. Imajući u vidu navedeno Vijeće donijelo slijedeći

ZAKLJUČAK

1. Prednacrt Zakona o prostornom uređenju Kantona Sarajevo povlači se sa dnevnog reda ove sjednice, te se zadužuje Ministarstvo prostornog uređenja, građenja i zaštite okoliša Kantona Sarajevo da Ekonomsko-socijalnom vijeću za područje Kantona Sarajevo dostavi Nacrt Zakona o prostornom uređenju Kantona Sarajevo koji će se razmatrati na jednoj od narednih sjednica.
2. Ovaj zaključak će se u formi obavijesti dostaviti Ministarstvu prostornog uređenja, građenja i zaštite okoliša Kantona Sarajevo.

AD-4)

Uvodno izlaganje vezano za tekst Nacrta Zakona o arhivskoj djelatnosti dao je Dragan Vujmilović, sekretar Ministarstva kulture i sporta Kantona Sarajevo.

Nakon provedene diskusije, Vijeće je donijelo slijedeći

ZAKLJUČAK

1. Ekonomsko-socijalno vijeće za područje Kantona Sarajevo podržava aktivnosti Vlade Kantona Sarajevo i Ministarstva kulture i sporta Kantona Sarajevo na donošenju Zakona o arhivskoj djelatnosti i daje pozitivno mišljenje na ponuđeni tekst zakona.
2. Ovaj zaključak će se u formi mišljenja dostaviti Vladi Kantona Sarajevo i Ministarstvu kulture i sporta Kantona Sarajevo, u skladu sa Uredbom o postupku i načinu pripremanja, izrade i dostavljanja propisa.

AD-5)

1. Član Vijeća Faruk Bešlić ukazao je na pitanje upisne politike u srednje škole u smislu usklađivanja iste sa potrebama tržišta rada, te istakao stav da bi se prilikom upisa u srednje škole prednost trebala dati proizvodnim zanimanjima. Nakon provedene diskusije u kojoj su učestvovali članovi Vijeća: Jasmin Halebić, Amela Dautbegović, Safudin Čengić, Muhamed Pilav, Nijaz Skenderagić i Saudin Sivro, Vijeće je donijelo slijedeći

ZAKLJUČAK

1. Ekonomsko-socijalno vijeće za područje Kantona Sarajevo održat će, krajem mjeseca oktobra ili početkom novembra 2016. godine tematsku sjednicu sa temom Upisna politika prema potrebama tržišta rada, s tim da će se termin i mjesto održavanja, kao i koordinacija realizacije ovog zaključka utvrditi naknadno.
2. Traži se od Ministarstva za obrazovanje, nauku i mlade Kantona Sarajevo da pripremi materijal za tematsku sjednicu na temu iz tačke 1. ovog zaključka i isti dostavi stručnoj službi Ekonomsko-socijalnog vijeća za područje Kantona Sarajevo, najkasnije do 15.10.2016. godine, kako bi se materijal blagovremeno dostavio socijalnim partnerima u cilju uključivanja svih institucija za koje socijalni partneri cijene da trebaju biti uključene u kreiranje upisne politike prema potrebama tržišta rada.
3. Ovaj zaključak će se u formi obavijesti dostaviti Vladi Kantona Sarajevo i Ministarstvu za obrazovanje, nauku i mlade Kantona Sarajevo, u skladu sa Uredbom o postupku i načinu pripremanja, izrade i dostavljanja propisa.


2. Član Vijeća Muharem Šabić istakao je problem izmirenja stvorenih, a neizmirenih obaveza, po osnovu koncesije, Hidrogradnje DD Sarajevo prema Ministarstvu privrede Kantona Sarajevo. Nakon provedene diskusije, u kojoj su učestvovali članovi Vijeća: Safudin Čengiđ, Muhamed Pilav, Faruk Bešlić i Amela Dautbegović, Vijeće je konstatovalo da ne raspolaže sa dovoljno informacija o navedenom problemu, te je donijelo slijedeći

ZAKLJUČAK

1. Zadužuje se Ministarstvo privrede Kantona Sarajevo da pripremi informaciju vezanu za pitanje izmirenja stvorenih a neizmirenih obaveza, po osnovu koncesije, Hidrogradnje d.d. Sarajevo prema Ministarstvu privrede Kantona Sarajevo i istu dostavi Ekonomsko-socijalnom Vijeću za područje Kantona Sarajevo na razmatranje.
2. Ovaj zaključak će se u formi obavijesti dostaviti Vladi Kantona Sarajevo i Ministarstvu privrede Kantona Sarajevo, u skladu sa Uredbom o postupku i načinu pripremanja, izrade i dostavljanja propisa.

Sjednica je završena u 16,00 sati.

Zapisnik izradila:


Dženana Zgodić

